



Cuira, ils 15 gün 2022

Comunicaziun a las medias

## «Café rumantsch spezial» a Zuoz

Per la prüma vouta s'invida la Lia Rumantscha ad ün «Café rumantsch spezial» in Engiadin'Ota. L'inscunter ho lö mardi, ils 21 gün 2022 a las 16.00, aint il Cafè Badilatti a Zuoz. Sper il ster da cumpagnia cumplettescha üna guida tres la brastularia ed üna degustaziun da caffè l'occurrentza unica.

Ils «Cafés rumantschs», organisos da la Lia Rumantscha, sun normelmaing cuntshaints per s'inscunter e discuorrer rumauntsch. Ün lö per ster da cumpagnia – taunt per indigenas ed indigens scu eir per persunas chi imprendan la lingua. Uscheja vegn promovieu il barat linguistic e culturel traunter ils indigens, las nouvarredas e las differentas valledas.

Mardi, ils 21 gün 2022, do que però a partir da las 16.00 aint il Cafè Badilatti a Zuoz ün «Café rumantsch» tuottafat speziel: Sabina Cloesters, la mainagestiun dal Cafè Badilatti, vegn a fer üna guida tres la brastularia. Üna degustaziun da caffè cumplettescha l'occurrentza d'entreda libra. Dimena ün «Café rumantsch» ün pô pü speziel e da character unic. Organisatura da l'occurrentza es Ramona Barblan, promotura regiunela da l'Engiadin'Ota da la Lia Rumantscha, chi vegn eir a moderer l'inscunter a Zuoz.

Sper quist prüm «Café rumantsch spezial» sun previs duos ulteriurs in Engiadin'Ota – ün ils 5 october e l'oter ils 30 november 2022. Detagls davart ils ulteriurs «Cafés rumantschs spezials» vegnan comunicos in settember sün [www.liarumantscha.ch](http://www.liarumantscha.ch).

*«Café rumantsch spezial» a Zuoz, mardi, ils 21 gün 2022, da las 16.00 fin las 17.30, Cafè Badilatti, Chesa Cafè, 7524 Zuoz. L'entreda es libra.*